

BUDŽET ZA GRAĐANE 2023. GODINA

Sarajevo, juni 2023. Godine

I ZAKONSKI OSNOV

Ministarstvo vanjskih poslova Bosne i Hercegovine (u daljem tekstu: MVP BiH) je državna institucija nadležna za provođenje utvrđene vanjske politike Bosne i Hercegovine, koja radi na razvoju međunarodnih odnosa u skladu sa stavovima i smjernicama Predsjedništva Bosne i Hercegovine, kao i na promociji i zaštiti vanjskopolitičkih interesa Bosne i Hercegovine i njenih građana.

Ministarstvo vanjskih poslova BiH je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17). U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog vanjske politike i sprovodi vanjsku politiku BiH.

II MISIJA I VIZIJA

Misija

Ministarstvo vanjskih poslova Bosne i Hercegovine nadležno je za provođenje utvrđene vanjske politike Bosne i Hercegovine koju obavlja putem diplomatsko-konzularnih predstavništava Bosne i Hercegovine u drugim državama i u/pri međunarodnim organizacijama. Za potrebe Predsjedništva Bosne i Hercegovine, Parlamentarne skupštine Bosne i Hercegovine, kao i Vijeća ministara Bosne i Hercegovine, Ministarstvo vanjskih poslova daje mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa. Ministarstvo vanjskih poslova predstavlja Bosnu i Hercegovinu u drugim državama i

međunarodnim organizacijama i institucijama, štiti interese Bosne i Hercegovine, njenih državljanja i pravnih osoba van Bosne i Hercegovine, razvija prijateljske odnose i saradnju između Bosne i Hercegovine i drugih država na političkom, ekonomskom, kulturno - obrazovnom, naučno – tehničkom, sportskom i informacijskom području, kao i na ostalim područjima od interesa za Bosnu i Hercegovinu.

Vizija


Vizija uspješnog djelovanja Ministarstva vanjskih poslova BiH fokusirana je prema promociji i zaštiti interesa Bosne i Hercegovine u međunarodnim odnosima radi osiguranja blagostanja svih njenih građana, pune uključenosti u globalnu ekonomiju, te aktivnog učešća u odlučivanju o važnim globalnim pitanjima, posebno u osiguranju svjetskog mira i mirnog rješavanja međunarodnih kriznih situacija.

Srednjoročni cilj Ministarstva vanjskih poslova Bosne i Hercegovine je „Sprovođenje vanjske politike Bosne i Hercegovine u svrhu realizacije zadatih vanjskopolitičkih ciljeva Bosne i Hercegovine.“

PROGRAMSKO-PROJEKTNA STRUKTURA RASHODA

PROGRAMI	IZNOS (KM)	PROCENAT
Provođenje vanjske politike BiH	16.887.000	26%
Zastupanje i zaštita interesa BiH, razvoj MVP BiH	36.794.000	55%
Zaštita prava i interesa građana i pravnih lica iz BiH u inostranstvu	12.696.000	19%
UKUPNO:	66.377.000	100%

PROGRAMSKO-PROJEKTNA STRUKTURA RASHODA



16.887.000 KM

Iznos od 16.887.000 KM ove godine planiran budžetom, namjenjen je za provođenje vanjske politike BiH, unapređenje i izgradnju bilateralnih odnosa BiH sa drugim državama i koristi se za uspostavljanje mehanizma koordinacije MVP BiH i nadležnih ministarstava prema međunarodnim organizacijama i institucijama.

Dio sredstava izdvaja se i za posredovanje u organizaciji privrednih foruma i konferencija u svrhu promocije privrede i ekonomije naše zemlje, te upoznavanje stranih investitora sa privrednim mogućnostima BiH.

Bilateralne posjete, susreti, kontakati, političke konsultacije i ekonomski forumi sastavni su dio poslova MVP BiH, ostvarivanje što jačih bilateralnih veza sa što većim brojem država imperativ je vanjske politike svake zemlje, upravo zato za organizacije svih vrsta susreta potrebno je izdvojiti određena sredstva.

Poseban dio sredstava zahtijeva učešće i zastupanje interesa BiH u međunarodnim organizacijama i institucijama/povećanje međunarodnog vizibiliteta BiH kao kredibilnog partnera u međunarodnim odnosima.

Značajan dio aktivnosti je promocija ekonomskih interesa te javne diplomatije, poseban dio je budžet za organizovanje poslovnih događaja u BiH i inostranstvu na koji pozivamo goste iz zemalja Evrope i svijeta sa kojima i na taj način jačamo saradnju i otvaramo mogućnosti za potencijalna ulaganja ili promociju, lakšem pristupu naših proizvoda na drugim tržištima.

36.794.000 KM

Ovo je iznos koji se iz planiranog budžeta izdvaja za zastupanje i zaštitu interesa BiH te razvoj MVP BiH.

Šta to tačno znači?

Kontinuirani rad na unapređenju razvoja bilateralnih odnosa BiH sa zemljama regiona, članicama EU i zemljama od strateškog interesa. Zastupanje interesa BiH u međunarodnim organizacijama i institucijama. Unapređenje strukturalne saradnje sa EU i NATO.

Učešće u postupcima sklapanja međunarodnih ugovora.

Koordinacija promocije izvoznih mogućnosti kompanija iz BiH i privlačenje stranih investicija. Povećanje broja zaposlenih koji su ovladali diplomatskim vještinama kako bi poslovi u DKP mreži bili što više bliži potrebama građana.

Usklađivanje normativnih akata i internih procedura iz djelokruga upravljanja ljudskim resursima. Unapređenje postojećeg informacionog sistema. Smanjenje zakupa objekata za potrebe DKP mreže, adaptacija i opremanje.

Sve ovo se sprovodi sa jasnim ciljem: Unapređenje političkih i ekonomskih odnosa sa zemljama partnerima i međunarodnim organizacijama te širenje i unapređenje organizacije te koordinacije rada u DKP mreži Bosne i Hercegovine.

12.696.000 KM

Ovim iznosom je predviđena zaštita prava i interesa građana i pravnih lica iz BiH u inostranstvu. To uključuje:

- Pružanje konzularnih usluga građanima BiH u inostranstvu i stranim državljanima, pružanje usluga na zaštiti prava građana BiH u inostranstvu, unapređenje sistema zaštite interesa Bosne i Hercegovine, njenih građana i pravnih lica u inostranstvu;
- Izdavanje putnih isprava, viza, određivanje i evidentiranje JMB, prijem zahtjeva za odricanje od BH državljanstva, provjere identiteta i državljanstva kao i rješavanje statusnih i socijalna pitanja;
- Zaštita interesa i imovine pravnih lica iz BiH u inostranstvu, saradnja sa počasnim konzulima BiH, djelovanje u vanrednim situacijama, izdavanje sprovodnica, upis u matične knjige i dr.

Ministarstvo vanjskih poslova Bosne i Hercegovine realizuje nekoliko višegodišnjih kapitalnih projekata:

Sredstva koja je Bosna i Hercegovina dobila zajedničkom prodajom objekata iz sukcesivne mase diplomatsko-konzularne imovine bivše SFRJ evidentiraju se na posebnom programu po nazivom „Kupovina objekta za potrebe DKP-a BiH“ u iznosu od 6.098.402,82 KM.

Sredstva koja nisu realizovana u 2022. godini prenose se u narednu. Ukupna vrijednost prenesenih sredstava iz 2022. godine u 2023. godinu je 10.629.294,67.KM od čega su: višegodišnji projekti u ukupnom iznosu od 4.530.891,85 KM i Program posebne namjene „Kupovina objekta za potrebe DKP-a BiH“ u iznosu od 6.098.402,82 KM. Pomenuta sredstava su namijenjena za rekonstrukciju i adaptaciju objekata u vlasništvu Bosne i Hercegovine kao što su objekti u Budimpešti, Beču, Londonu, Alžiru...



Budimpešta



Najrobi



Beč